

ხელშეკრულება N 31

სახელმწიფო შესყიდვის შესახებ
(ელექტრონული ტენდერი SPA170005945)

ქ.თბილისი

24 მაისი 2017 წელი

სსიპ საფინანსო-ანალიტიკური სამსახური (შემდგომში - „შემსყიდველი“), წარმოდგენილი სამსახურის უფროსის მოადგილის გიორგი ბაბაკიშვილის სახით და შპს „იუ-ჯი-თი“ (შემდგომში - „მიმწოდებელი“), წარმოდგენილი მისი დირექტორის გიორგი მაისურაძის სახით, ორივე ერთად წოდებულნი როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ე“ ქვეპუნქტის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშვნები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ხელშეკრულების დანართი N1-ით გათვალისწინებული ძირითადი და სარეზერვო ცენტრისათვის Dell EMC VNX5600 Block მყარი დისკების მასივის გაფართოების (თანდმევი მომსახურება ინსტალაციით) მიწოდება (CPV 30233100).

3. ხელშეკრულების ღირებულება

1. ხელშეკრულების ღირებულება შეადგენს: 1,178,678.00 (ერთი მილიონ ას სამოცდათვრამეტი ათას ექვსას სამოცდათვრამეტი) ლარს.
2. საქონლის ღირებულება მოიცავს როგორც მოსაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

1. მიმწოდებელი ვალდებულია:

ა) უზრუნველყოს წინამდებარე ხელშეკრულების ძალაში შესვლიდან 60 (სამოცი) დღის განმავლობაში ხელშეკრულებაზე თანდართული დანართი N1-ის შესაბამისად, 1 (ერთი) ერთეული ძირითადი და სარეზერვო ცენტრისათვის Dell EMC VNX5600 Block მყარი დისკების მასივის გაფართოების (თანდმევი მომსახურება ინსტალაციით) მიწოდება მონაცემთა შენახვისა და

დამუშავების ცენტრში (სასერვეროში) შემდეგ მისამართზე: ქ. თბილისი გორგასლის ქუჩა №16 (სსიპ საფინანსო-ანალიტიკურ სამსახურში), და 1 (ერთი) ერთეული ძირითადი და სარეზერვო ცენტრისათვის Dell EMC VNX5600 Block მყარი დისკების მასივის გაფართოების (თანდევნი მომსახურება ინსტალაციით) მიწოდება მონაცემთა შენახვისა და დამუშავების ცენტრში (სასერვეროში) შემდეგ მისამართზე: ქ. რუსთავი, წითელი ხიდის გზაქვეყილი 21-ე (ოცდამეერთე) კილომეტრი .

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

გ) ხელი შეუწყოს შემსყიდველს ინსპექტირების განხორციელებაში.

დ) განახორციელოს ამ ხელშეკრულებით მასზე დაკისრებული სხვა ვალდებულებები.

2. შემსყიდველი ვალდებულია:

ა) განახორციელოს ამ ხელშეკრულებით მასზე დაკისრებული სხვა ვალდებულებები.

3. მიმწოდებელს უფლება აქვს:

ა) მოსთხოვოს შემსყიდველს გაწეული საქონლის ღირებულების ანაზღაურება ხელშეკრულებით გათვალისწინებული პირობებით;

5. ხარისხი

1. მიწოდებული საქონელი (მისი ყველა კომპონენტი) უნდა იყოს ახალი, მისი ხარისხი უნდა შეესაბამებოდეს დადგენილ სტანდარტებს (ასეთის არსებობის შემთხვევაში).

2. მიწოდებულ საქონელზე გარანტია ვრცელდება, მიღება ჩაბარების აქტის გაფორმებიდან არანაკლებ 2017 წლის 24 ნოემბრამდე.

6. ხელშეკრულების შესრულების კონტროლი

1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ხელშეკრულების მოქმედების მთელ პერიოდზე.

2. ინსპექტირება განახორციელდება შემსყიდველის მიერ განსაზღვრული პირის ან/და პირთა ჯგუფის მიერ, რომელთაც შეუძლიათ ინსპექტირება განახორციელონ როგორც ინდივიდუალურად, ასევე ერთობლივად.

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან 10 (ათი) დღეში გამოსწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული წუნდებული საქონლის ღირებულება.

7. საქონლის მიღება-ჩაბარების წესი

1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით.

2. საქონლის მიღებას აწარმოებს: სსიპ საფინანსო-ანალიტიკური სამსახურის ადმინისტრაციული დეპარტამენტის უფროსი **ჯაბა ხმაღამე**.

8. ანგარიშსწორება

1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

2. შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება მიღება-ჩაბარების აქტის გაფორმებიდან 10 (ათი) სამუშაო დღის განმავლობაში. თუ ანგარიშსწორების დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

1. თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

1. წინამდებარე ხელშეკრულების მე-4 მუხლის პირველი პუნქტის „ა“ ქვეპუნქტით გათვალისწინებული დანართი N1-ით განსაზღვრული საქონლის მიწოდების ან/და ხელშეკრულების მე-6 მუხლის მე-3 პუნქტით განსაზღვრული ვადების გადაცილების შემთხვევაში, მიმწოდებელს ეკისრება პირგასამტებლო შესაბამისად ყოველ გადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით.

2. ხელშეკრულების ნაწილობრივ შესრულების შემთხვევაში მიმწოდებელზე მე-10 მუხლის, პირველი პუნქტის საუბველოზე დაკისრებული პირგასამტებლოს ჯამური თანხა არ უნდა აღემატებოდეს შესასრულებელი ვალდებულების შესაბამისი ღირებულების (მისაწოდებელი საქონლის ღირებულების) 10 %-ს, ხოლო ხელშეკრულების შეუსრულებლობის შემთხვევაში მიმწოდებელზე დაკისრებული პირგასამტებლოს ჯამური თანხა არ უნდა აღემატებოდეს ხელშეკრულების ღირებულების 20 %-ს.

3. წინამდებარე ხელშეკრულების მე-10 მუხლის მე-2 პუნქტით განსაზღვრულ შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება მიმწოდებელთან და მოსთხოვოს ხელშეკრულების შეწყვეტის მომენტისათვის გადასახდელი პირგასამტებლოს ანაზღაურება.

4. პირგასამტებლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11. ხელშეკრულებაში ცვლილებების შეტანა

ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

12. ხელშეკრულების შესრულების გარანტია

1. ხელშეკრულების შესრულების უზრუნველყოფის საბანკო გარანტია გამოიყენება, მიმწოდებლის მიერ ხელშეკრულების ნაკისრი ნებისმიერი ვალდებულების შეუსრულებლობისათვის.

2. „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული გამარტივებული ელექტრონული ტენდერისა და ელექტრონული ტენდერის ჩატარების წესის მე-21 მუხლის მე-4 პუნქტის შესაბამისად ტენდერში გამოყენებული ხელშეკრულების შესრულების უზრუნველყოფის საბანკო გარანტია შეადგენს ხელშეკრულების საერთო ღირებულების 1%-ს, რომლის მოქმედების ვადა 30 დღით უნდა აღემატებოდეს საქონლის მიწოდების ვადას.

3. მიმწოდებლის მიერ წინამდებარე ხელშეკრულებით ნაკისრი ვალდებულების სრულად შესრულების შემდგომ იგი უფლებამოსილია მოსთხოვოს შემსყიდველს აღნიშნული საბანკო გარანტიის უკან დაბრუნება.

13. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

2. თუ ასეთი მოლაპარაკებების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, კანონით დადგენილი წესით მიმართოს საქართველოს სასამართლოს.

14. ხელშეკრულების შეწყვეტა

1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.
2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.
3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 31 დეკემბრის ჩათვლით.

16. სხვა პირობები

1. ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე - შემსყიდველს.
2. ხელშეკრულებაზე თანდართული დანართი N1 წარმოადგენს წინამდებარე ხელშეკრულების განუყოფელ ნაწილს და განიხილება მასთან მთლიანობაში.

17. მხარეთა რეკვიზიტები:


შემსყიდველი:

სსიპ საფინანსო-ანალიტიკური სამსახური
ს/კ-204577813
მისამართი: ქ. თბილისი, გორგასლის ქუჩა N16,
ტელეფონი: 032 226 1072, 032 226 1095. 032 226 1656;
საბანკო რეკვიზიტები:
ანგ. 200122900,
სახელმწიფო ხაზინა, კოდი 220101222,



მიმწოდებელი:

შპს „იუ-ჯი-თი“
ს/კ-204892964
მისამართი: ქ. თბილისი, ჭავჭავაძის გამზ N17ა
ტელეფონი: 0322220505
საბანკო რეკვიზიტები:
სს „საქართველოს ბანკი“ (ცენტრ. ფილიალი) ა.ნ
GE88BG0000000261644601, ბანკის კოდი: BAGAGE22



№	შესყიდვის ობიექტის დასახელება	საქონლის მწარმოებელი ქვეყანა, კომპანია, მოდელი და მახასიათებლები	რაოდენობა	ერთეულის ფასი (ლარი)	მილიანი ფასი (ლარი)
1	2	3	4	5	6
1	ბირთვადი და სარეზერვო ცენტრისათვის Dell EMC VNX5600 Block მყარი დისკების მასივის გაფართოება (თანდმევი მომსახურება ინსტალაციით) CPV 30233100	ირლანდია, აშშ, ჩინეთი; DELL EMC; 2 x 2U SAS დისკური თარო, 25 x SFF დისკური სლოტით; 3 x 3U SAS დისკური თარო, 15 x LFF დისკური სლოტით; 10 x 1.6TB 2.5" SSDs (~11.5TB Usable Space in RAID5) 47 x 1.2TB 10K rpm 2.5" SAS HDDs (~42TB Usable Space in RAID5); 33 x 4TB 7.2K rpm 3.5" NL-SAS HDDs (~100TB Usable Space in RAID6); Per TB License – Capacity for 132TB; Per TB License – Performance for 73TB;	2	589,339.00	1,178,678.00

სულ: 1,178,678.00 ლარი

შემსყიდველი:



მიმწოდებელი:



Handwritten signatures of the parties involved in the procurement process.

Handwritten signature of the supplier.